

Mohd Amirul Kasyful Nur bin Zulkifli

From: Unit Komunikasi Korporat
Sent: Wednesday, November 29, 2017 12:22 PM
To: UUM - All Staff; UUM - All Students
Subject: 240 Murid Sekolah Rendah Yayasan Islam Perlis Bina Personaliti Dai TN50



Unit Komunikasi Korporat
CORPORATE COMMUNICATION UNIT
Universiti Utara Malaysia



29 NOVEMBER 2017 / 10 RABIULAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah

240 MURID SEKOLAH RENDAH YAYASAN ISLAM PERLIS BINA PERSONALITI DAI TN50



UUM ONLINE: Seramai 240 peserta menyertai aktiviti menarik dalam Inspirasi Kemenjadian Manusia Berpontensi Sempurna Menerusi Hisbah Al-Mizan, di Masjid Sultan Badlishah, Universiti Utara Malaysia.

Program *Social Innovation* UUM anjuran Unit Kerohanian Universiti Utara Malaysia dengan tajaan Yayasan Islam Perlis diketuai Pensyarah Kanan Pusat Pengajian Pendidikan dan Bahasa Moden, UUM, Dr. Mardzelah Makhsin, dibantu Pengarah Projek, Nik Nor Farhana Nik Rohimi serta mahasiswa.

Menurut Mardzelah, program ini bertujuan melahirkan generasi Dai' TN50 dan jiwa ubudiyah dalam kecerdasan spiritual dengan melaksanakan peranan dan tanggungjawab sebagai khalifah di muka bumi.

“Ini merupakan suatu usaha ke arah melahirkan kesedaran berakhlak sesuai dengan strategi untuk merealisasikan Falsafah Pendidikan Kebangsaan iaitu memperkembangkan potensi individu secara bersepadu untuk mewujudkan insan seimbang dari segi intelek, rohani, emosi dan jasmani berdasarkan kepercayaan dan kepatuhan kepada Tuhan.

“Peserta terdiri pelajar Sekolah Rendah Islam berumur antara 9 hingga 12 tahun dibahagikan kepada 24 kumpulan yang sarat dengan aktiviti menarik seperti Personaliti Dai' Junior (*Ice Breaking*), Musafir Dai' (*Treasure Hunt*), Bakat Dai' Junior & Dai' TN50 dan Spell In Arabic,” ujarnya.

Dalam aktiviti Personaliti Dai' Junior peserta dan fasilitator akan berkenalan dan mencipta sorokan kumpulan yang dipertandingkan diikuti *Treasure Hunt* yang lebih mencabar, Musafir Dai' melibatkan 12 *checkpoint* yang mempunyai permainan berasaskan pembelajaran UPKK dan Diari Hisbah Refleksi Al-Nafs.

Pada sebelah petang, dalam Bakat Dai' Junior, pelajar diberikan satu topik yang terdiri daripada Ulul Amri, Ulul Albab, Ulul Absar dan Ulul Abrar selain turut diberikan satu tokoh untuk dipersembahkan sekali gus meningkatkan keyakinan pelajar bercakap di hadapan khalayak dan mendidik pelajar menjadi seperti tokoh yang dipersembahkan.

Transformasi Nasional 2050 (TN50) merupakan satu inisiatif pembangunan negara yang merangkumi tahun 2020 hingga 2050 melalui Bakat Dai' TN50 peserta didedahkan dengan cara untuk menjadi pemimpin terbaik dan lebih berfikir cara untuk menyelesaikan masalah apabila suatu situasi berlaku.

Dalam *Spell In Arabic* peserta didedahkan dengan pembelajaran bahasa arab melalui permainan kuiz iaitu meneka perkataan dalam bahasa arab dengan mengejanya.

Pada program itu, turut disampaikan anugerah yang dipertandingan antaranya, Anugerah Musafir Dai', Anugerah Smart Talent, Anugerah Dai' Junior, Anugerah Tokoh Ibn Manzhar (Lisan Al-Arab), Anugerah Khalifah Al-Khatib, Anugerah Tokoh Pemikir Ummah (TN50), Anugerah Sekolah.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.